

Broj: 06-03-612-09/45/17
Mostar, 07.11.2017. godine

Na osnovu člana 21., člana 37., člana 42., člana 84. i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 18. Pravilnika za izdavanje dozvola („Službene novine Federacije BiH“ broj 2/17), člana 10. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), člana 4. stav (3), člana 5., člana 6. stav (2) i člana 9. Pravilnika o metodologiji i načinu obračuna regulatornih naknada za imaoce dozvola („Službene novine Federacije BiH“ broj 5/17 i 59/17), postupajući po Zahtjevu za izdavanje dozvole za rad za proizvodnju električne energije broj 06-03-612/45/17 od 14.06.2017. godine, podnosiocu zahtjeva Fotonaponska elektrana „SOLAR-RAMA“ vl. Slavko Žilić, Matkovići bb, iz Prozora-Rame, Regulatorna komisija za energiju u Federaciji Bosne i Hercegovine – FERK je dana 07.11.2017. godine na XVIII redovnoj sjednici donijela sljedeće

RJEŠENJE

1. Izdaje se Dozvola za rad za proizvodnju električne energije podnosiocu zahtjeva Fotonaponska elektrana „SOLAR-RAMA“ vl. Slavko Žilić, iz Prozora-Rame.
2. Utvrđuje se Fotonaponska elektrana „SOLAR-RAMA“ vl. Slavko Žilić, iz Prozora-Rame, status kvalifikovanog proizvođača u objektu solarne fotonaponske elektrane „Solar-Rama“, u periodu važenja dozvole iz tačke 3. ovog rješenja.
3. Dozvola za rad izdaje se na period od 07.11.2017. godine do 06.11.2027. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola iz tački 1. i 3. ovog rješenja.
5. Imalac dozvole je obavezan platiti regulatornu naknadu za 2017. godinu u iznosu od 45,21 KM.
6. Imalac dozvole je regulatornu naknadu iz tačke 5. ovog rješenja obavezan platiti u roku od 30 dana od dana prijema ovog rješenja.
7. Imalac dozvole je obavezan plaćati regulatornu naknadu za naredne godine važenja dozvole na način i u iznosu koji utvrdi FERK posebnom odlukom.
8. O obavezi plaćanja regulatorne naknade iz tačke 5. i 7. ovog rješenja imaoce dozvole će se polugodišnje ispostaviti obavještenje.
9. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Образложење

Dana 14.06.2017. godine FERK je od podnosioca Fotonaponska elektrana „SOLAR-RAMA“ vl. Slavko Žilić, iz Prozora-Rame pod brojem 06-03-612/45/17 primio Zahtjev za izdavanje dozvole za rad za proizvodnju električne energije.

Prilikom pregleda potpunosti podnesenog zahtjeva, u skladu sa članom 9. Pravilnikom o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za izdavanje dozvole za rad za proizvodnju električne energije broj 06-03-612-01/45/17 od 12.07.2017. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja.

Postupajući po obavještenju, podnosilac zahtjeva je dostavio dopis primljen u FERK 20.07.2017. godine pod brojem 06-03-612-02/45/17, uz koje je dostavio dio tražene dokumentacije i obrazloženja. U cilju potpunog kompletiranja dostavljene dokumentacije, FERK je podnosiocu zahtjeva 22.09.2017. godine uputio Zahtjev za informacijama broj 06-03-612-03/45/17. Dalje, FERK je vezano za ugovor o koncesiji, propisan članom 7. stav (1) tačka n) alineja 2) Zakona o koncesijama Hercegovačko-neretvanskog kantona („Službene novine HNŽ/K“ broj 1/13 i 7/16) u slučaju postrojenja za pretvaranje energije sunca u električnu energiju instalisane snage od 23,1 kW do 5 MW, a imajući u vidu da je podnosilac Fotonaponska elektrana „SOLAR-RAMA“ vl. Slavko Žilić, iz Prozora-Rame dostavio dopis „Prijedlog za dodjelu koncesije“ od 26.06.2017. godine, iz koga je vidljivo da je isti primljen kod Ministarstva privrede Hercegovačko-neretvanskog kantona dana 28.06.2017. godine, FERK se navedenom Ministarstvu obratio dopisom broj 06-03-612-04/45/17 od 27.09.2017. godine kojim je zatražena informacija da li je Fotonaponska elektrana „SOLAR-RAMA“ vl. Slavko Žilić, iz Prozora-Rame upotpunio zahtjev za dodjelu koncesije, te da li je procedura izdavanja koncesije u toku. Ministarstvo je dostavilo dopis primljen u FERK dana 02.10.2017. godine pod brojem 06-03-612-05/45/17 kojim je FERK obaviješten da je Fotonaponska elektrana „SOLAR-RAMA“ vl. Slavko Žilić, iz Prozora-Rame podnijela prijedlog za dodjelu koncesije i da je postupak u toku. Povodom navedenog zahtjeva za informacijama podnosilac zahtjeva je dostavio dopis primljen u FERK 02.10.2017. godine pod brojem 06-03-612-06/45/17, te dopis primljen u FERK 09.10.2017. godine pod brojem 06-03-612-07/45/17, uz koje je dostavio traženu dokumentaciju i obrazloženja. Na osnovu dokumentacije i obrazloženja dostavljenih od podnosioca zahtjeva i Ministarstva FERK je utvrdio da je zahtjev podnosioca Fotonaponska elektrana „SOLAR-RAMA“ vl. Slavko Žilić, iz Prozora-Rame potpun i da su se stekli uslovi za objavu obavještenja za javnost o nacrtu dozvole, uz obavezu da se Fotonaponska elektrana „SOLAR-RAMA“ vl. Slavko Žilić, iz Prozora-Rame u uslovima dozvole propiše obaveza zaključivanja ugovora o koncesiji u skladu sa zakonskim propisima kojima je uređena odnosna oblast, da isti ne bi trpio štetne posljedice trajanja tog postupka.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika za izdavanje dozvola, pripremio Nacrt dozvole za rad za

proizvodnju električne energije po zahtjevu broj 06-03-612/45/17 od 14.06.2017. godine, podnosioca Fotonaponska elektrana „SOLAR-RAMA“ vl. Slavko Žilić, iz Prozora-Rame. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj 06-03-612-08/45/17 od 24.10.2017. godine usvojio Nacrt dozvole za rad za proizvodnju električne energije, te Obavještenje za javnost o opštoj raspravi o Nacrtu dozvole za rad za proizvodnju električne energije, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad za proizvodnju električne energije na adresu FERK-a ili na elektronsku adresu, u periodu od 24.10. do 03.11.2017. godine do 12:00 sati, kao i da su lica koja imaju direktan interes učestvovati u postupku izdavanja dozvole, pod uslovom da im je interes različit od opšteg javnog interesa, imala mogućnost podnijeti zahtjev za sticanje statusa umješača na adresu FERK-a ili na elektronsku adresu, u periodu od 24.10. do 03.11.2017. godine do 12:00 sati.

Do ostavljenog roka za dostavu pisanih komentara i za podnošenje zahtjeva za sticanje statusa umješača, odnosno do 03.11.2017. godine do 12:00 sati, u FERK nisu primljeni pisani komentari na Nacrt dozvole za rad za proizvodnju električne energije, niti je primljen zahtjev za sticanje statusa umješača.

Dalje, članom 4., članom 5. i članom 6. Pravilnika o metodologiji i načinu obračuna regulatornih naknada za imaoce dozvola propisana je dinamika i način obračuna regulatorne naknade za imaoce dozvola za obavljanje elektroprivrednih djelatnosti. Članom 9. Pravilnika o metodologiji i načinu obračuna regulatornih naknada za imaoce dozvola propisano je da će se novim imaocima dozvola za obavljanje elektroprivrednih djelatnosti i imaocima dozvola iz člana 6. stav (2) tog pravilnika iznos regulatorne naknade utvrditi izdavanjem pojedinačnog rješenja u skladu sa članom 5. tog pravilnika.

Na osnovu obrade Zahtjeva za izdavanje dozvole za rad za proizvodnju električne energije podnosioca Fotonaponska elektrana „SOLAR-RAMA“ vl. Slavko Žilić, iz Prozora-Rame i dokumentacije priložene uz zahtjev, utvrđeno je da podnosilac zahtjeva ispunjava kriterije za izdavanje dozvole za rad za proizvodnju električne energije i za sticanje statusa kvalifikovanog proizvođača u skladu sa Zakonom o električnoj energiji u Federaciji Bosne i Hercegovine i Zakonom o korištenju obnovljivih izvora energije i efikasne kogeneracije, te Pravilnikom za izdavanje dozvola i Pravilnikom o sticanju statusa kvalifikovanog proizvođača električne energije.

Na osnovu navedenog, u dozvoli koja je predmet ovog rješenja podnosiocu zahtjeva postavljeni su, u skladu sa članom 26. i članom 27. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, određeni uslovi. Spomenuti uslovi uvažavaju potrebu, ali i obavezu Fotonaponska elektrana „SOLAR-RAMA“ vl. Slavko Žilić, iz Prozora-Rame da u rokovima propisanim u uslovima dozvole za rad za obavljanje licencirane djelatnosti proizvodnje električne energije iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a
Jasmin Bešo

Dostaviti:

- Fotonaponska elektrana „SOLAR-RAMA“ vl. Slavko Žilić, iz Prozora-Rame
- Operator za OIEiEK
- Kancelariji sekretara FERK-a
- Sektoru za pravne poslove
- Sektoru za tehničke poslove i licence
- Sektoru za tarife i tržište
- Sektoru zajedničkih poslova
- Sektoru za finansije
- oglasna tabla
- a/a